



Broj: 02-11-4319/21
Sarajevo, 24-09-2021 godine

Na osnovu člana 69. stav (2), tačka d), člana 70. stav (1) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisija za nabavku roba, usluga i radova II imenovana rješenjem broj: 10-45-137-2/21 od 21.07.2021. godine, u daljem tekstu: Komisija, u postupku javne nabavke za izvođenje radova na sanaciji ulice Kranjčevićeva, od ulice Fra Anđela Zvizdovića do ulice Tešanjaska, u dužini od cca 360 m, (Zapisnik o pregledu i ocjeni ponuda broj: 02-11-4319/21 od 20.09.2021.godine), Opštinski načelnik d o n o s i:

O D L U K U

o poništenju postupka javne nabavke za izvođenje radova na sanaciji ulice Kranjčevićeva, od ulice Fra Anđela Zvizdovića do ulice Tešanjaska, u dužini od cca 360 m

- I.** Poništava se postupak javne nabavke za izvođenje radova na sanaciji ulice Kranjčevićeva, od ulice Fra Anđela Zvizdovića do ulice Tešanjaska, u dužini od cca 360 m, Obavještenje o nabavci broj: 848-1-3-136-3-83/21 od 11.08.2021.godine i Ispravka Obavještenja broj: 848-1-3-136-8-84/21 od 23.08.2021.godine, putem otvorenog postupka, u skladu sa članom 69. stav (2), tačka d) Zakona (nijedna od primljenih ponuda nije prihvatljiva).
- II.** Ova Odluka će biti dostavljena svim ponuđačima u postupku i objavljena na internet stranici Općine Centar, www.centar.ba.

O b r a z l o ž e n j e

Postupak javne nabavke za izvođenje radova na sanaciji ulice Kranjčevićeva, od ulice Fra Anđela Zvizdovića do ulice Tešanjaska, u dužini od cca 360 m pokrenut je Odlukom Općinskog načelnika broj: 02-11-4319/21 od 02.08.2021.godine.

Obavještenje o javnoj nabavci objavljeno je na portalu javnih nabavki E-nabavke dana 11.08.2021.godine, Obavještenje o nabavci broj: 848-1-3-136-3-83/21 i Ispravka Obavještenja broj: 848-1-3-136-8-84/21 od 23.08.2021.godine. Procijenjena vrijednost javne nabavke bez PDV-a iznosi 410.256,00 KM.

U roku za dostavljanje ponuda koji je naveden u tenderskoj dokumentaciji, na adresu Ugovornog organa za predmetnu nabavku su pristigle tri ponude i to od ponuđača: „DEMUS“ d.o.o. Sarajevo, „ORMAN“ d.o.o. Kiseljak i „GRAKOP“ d.o.o. Kiseljak.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitani su kriteriji ekonomski najpovoljnije ponude (cijena i rok izvođenja radova).

Nakon izvršenog otvaranja ponuda Komisija je pristupila detaljnoj analizi dokumentacije priložene uz ponudu u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima, te utvrdila da su pristigle ponude neprihvatljive i to iz razloga što:

Ponudač „DEMUS“ d.o.o. Sarajevo, ul. Hamdije Kreševljakovića 18/II, Sarajevo, nije dostavio traženi dokaz o ispunjavanju uslova ekonomska i finansijska sposobnost iz tačke 7.3.1., odnosno 7.3.2. pod a) tenderske dokumentacije odnosno:

7.3.1 Što se tiče ekonomske i finansijske sposobnosti, u smislu člana 47. tačka d) Zakona o javnim nabavkama, ponuda će biti odbačena ako ponudač ne ispuni sljedeće minimalne uslove i to:

-da je ponudač ostvario promet na izvođenju radova u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponudač registrovan, odnosno počeo sa radom prije manje od tri godine ukupne vrijednosti jednaka ili veća od 400.000,00 KM (sa uračunatim PDV-om);

DOKAZ: a)obične kopije spiska – referens lista o ostvarenom prometu u posljednje 3 (tri) finansijske posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponudač registrovan, odnosno počeo sa radom prije manje od tri godine ukupne vrijednosti jednaka ili veća od 400.000,00 KM (sa uračunatim PDV-om);

Kako ponudač „DEMUS“ d.o.o. Sarajevo, ul. Hamdije Kreševljakovića 18/II, Sarajevo, u svojoj ponudi nije dostavio sve tražene dokaze, njegova ponuda se isključuje kao neprihvatljiva u skladu sa odredbom člana 68. stav (1) Zakona o javnim nabavkama.

Ponudač „ORMAN“ d.o.o. Kiseljak, ul. Žrtava domovinskog rata bb, 71 250 Kiseljak, nije dostavio traženi dokaz u skladu sa zahtjevom iz tenderske dokumentacije (lična sposobnost iz tačke 7.1. tenderske dokumentacije), odnosno:

7.1.2. U svrhu ispunjavanja uslova iz prethodne tačke ponudači trebaju dostaviti Izjavu ovjerenu kod nadležnog organa (organ uprave,sud ili notar) da se na njih ne odnose slučajevi definisanitačkom 7.1.1 od a) do d) tenderske dokumentacije.

Dostavljena izjava ne može biti starija od 15 dana od dana predaje ponude u ovom postupku javne nabavke.

Ponudač „ORMAN“ d.o.o. Kiseljak u svojoj ponudi je dostavio Izjavu u formi utvrđenoj Aneksom 3 tenderske dokumentacije ali stariju od 15 dana od dana predaje ponude u ovom postupku javne nabavke, čime nije ispunjen uslov, te se njegova ponuda se isključuje kao neprihvatljiva u skladu sa odredbom člana 68. stav (1) Zakona o javnim nabavkama.

Ponudač „GRAKOP“ d.o.o. Kiseljak, ul. Gromiljak bb, 71 250 Kiseljak u svojoj ponudi je dostavio Garanciju za ozbiljnost ponude ali ne u skladu sa tačkom 8.8. tenderske dokumentacije, odnosno prema tački 8.8.4." *Garancija za ozbiljnost ponude se ne smije bušiti radi ulaganja u ponudu već treba biti dostavljena na sljedeći način: dostavlja se u originalu, u zatvorenoj plastičnoj foliji koja se na vrhu zatvori naljepnicom na kojoj je stavljen pečat ponudača ili se otvor na foliji zatvori jemstvenikom, a na mjesto vezivanja zalijepi naljepnica i otisne pečat ponudača i uvezana u cjelinu čini sastavni dio ponude".*

Ponudač je dostavio Garanciju za ozbiljnost ponude zatvorenu naljepnicom i to bez pečata ponudača, što nije u skladu sa načinom dostavljanja iste prema zahtjevima iz tačke 8.8.4. tenderske dokumentacije, te se njegova ponuda isključuje kao neprihvatljiva.

Shodno gore navedenom, nakon evaluacije ponuda za predmetnu nabavku nijedna od primljenih ponuda nije prihvatljiva, te je Komisija obavijestila pismenim putem sve ponuđače u postupku o istom, te dostavila prijedlog da se predmetni postupak javne

nabavke poništi u skladu sa članom 69. stav (2) tačka d) Zakona, iz razloga što nijedna od primljenih ponuda nije prihvatljiva.

Opštinski načelnik je prihvatio preporuku Komisije, o čemu je donio ovu Odluku, shodno članu 70. stav (1) Zakona.

Pouka o pravnom lijeku:

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.

Prilog: Zapisnik o pregledu i ocjeni ponuda
Broj: 02-11-4319/21 od 20.09.2021.godine

DOSTAVITI:

1. Ponuđačima u postupku:
„DEMUS“ d.o.o. Sarajevo, ul. Hamdije Kreševljakovića
18/II, Sarajevo
- „ORMAN“ d.o.o. Kiseljak, ul. Žrtava domovinskog rata bb,
71 250 Kiseljak
- „GRAKOP“ d.o.o. Kiseljak, ul. Gromiljak bb, 71 250 Kiseljak
2. Službi za javne nabavke, zajedničke poslove i informatiku
3. Službi za finansije
4. Službi za investicije, komunalni razvoj i planiranje
5. Arhivi



